

Asunto di Cedula....

Grupo local ta denuncia konkelmento di awor caba pa eleccion

ORANJESTAD (AAN): Di parti e organizacion di Rainbow Warriors International, como organizacion di derecho humano, cu asombro y azco a tuma nota di declaracionnan di parti oficialnan di Censo na Aruba, cu tur ciudadano na Aruba cu entrante 1 di September presenta pa aplica pa un Cedula nobo pa asina por eherce su derecho di voto dia 23 di September, lo no haya su Cedula nobo otorga prome cu eleccion.

Ta asina cu aplicacion pa un Cedula nobo ta un proceso cu normalmente ta tuma dos siman. Rainbow Warrior International tin entendi cu e ley cu a invalida tur e cedulan blanco cu riba nan tin un fecha menciona despues di September 2005.

Direccion di Finanzas ta cera awe merdia for di 2'or

ORANJESTAD (AAN):- Direccion di Finanzas ta participa na tur su clientenan cu debi na un atardi di orientacion pa su personal ariba e curso "Leergang Openbare Financiën Aruba" cu ta worde duna pa Universidad di Aruba, su oficina na Wayaca 31-C lo ta sera pa publico ariba diaranzon atardi, dia 31 augustus 2005 for di 2'or y mei.


BEST DEAL
PARADERA

BEST SHOPPING DEAL

Turibana Plaza

LAS AMERICAS

Pariba di Burger King
(Caya Grandi)



Stoel di Hardin
pa 3 persona
Afl. 99,=

a ser invalida y tambe un gran cantidad di cedula blauw.


Como organizacion di derecho humano nos lo den nos programa "Democracy Watch Aruba" riba Internet, ta bay denuncia konkelmento cu eleccion door di Gobierno di MEP y tambe Censo.

E trikinan cu ta worde utiliza awor na Aruba, ta identico cu e trikinan cu Oficialismo na Venezuela, tanto den re-eleccion di Chavez como e Referendum Revocatorio.

Rainbow Warrior International a bisa cu nan lo haci un denuncia na e nivel mas halto, esta na Nacionnan Uni, cu e eleccionnan di Aruba lo no ta fair and free pasobra un gran cantidad di ciudadano administrativamente ta worde exclui di eleccion na Aruba di e forma aki, posiblemente beneficiando e partido na mando.

Awe Fiscal lo purba prolonga detencion di Joran van der Sloot

Apelacion di rumannan Kalpoe por worde trata tambe



ORANJESTAD(AAN): Awe Diaranzon mainta pa 9:30 e sospechoso den caso di desaparicion di Natalee Holloway esta Joran van der Sloot lo presenta na corte, unda cu prolongacion di su detencion cu 30 dia, lo worde trata.

Ta asina cu e prolongacion di su detencion di 60 dia ta yegando na su fin y awor pues fiscal a probecha di e posibilidad di pidi pa un prolongacion di 30 dia mas, sinembargo fiscal mester por presenta pruebanan nobo y relevante, pa por convence e huez pa extende e periodo di detencion di van der Sloot.

DIARIO a tene entrevista cu un di e abogadonan di Satish Kalpoe, esta Elgin Zeppenfeldt kende a splica cu tin chens cu huez lo aparece awe na corte, pa duna su veredicto pa loke ta e peticion di e abogadonan pa nan haya mas documento relaciona cu e caso, mirando

cu segun e abogadonan, Fiscal si ta haya cierto documento y grabacion, mientras cu nan mes no ta haya nada.

Segun Zeppenfeldt, ta awe mainta mes e mester yama corte, pa haya sa si acaso e huez ta yega Aruba, pa atende cu e caso.

MI GRATITUD NA E PERSONAL DI MEDIACARE

Mi kier agradece publicamente cada un di e enfermero y enfermeranan cu a atendemi cu asina hopi gentileza y bon trato.

Un biaha mas mi a keda convenci cu na Aruba nos no tin nada di envidia: otro hospitalnan grandi rond di mundo. Aki, e trato ta igualmente profesional y efectivo.

Na cada un di e enfermeranan un sunchi, y cada un di e enfermeronan un abrazo. Danki pa tur boso atencion y cuido specializa.

Jossy M. Mansur

PUEBLO NO TA GANA 20 MIL PA LUNA!!

